

欽定科場條例

欽定科場條例卷十二

鄉會試執事官員

會試執事官員

附人役

現行事例

與順天鄉試同一事例者已併入鄉試執事官員門內不重載

一會試知貢舉。禮部將由科甲出身及不由科甲出身之滿洲侍郎漢侍郎以下三品卿以上分繕清單。於二月上旬請

旨派滿洲一員漢一員如遇陞遷出差事故另行開單奏

派。

一會試提調正副各一員。掄選禮部漢司官四

員分擬正陪。

以郎中員外郎爲正主事爲副。

於會試前一年十

一月內帶領引

見派用。

旨下行知順天府。如派出後遇有陞遷事故卽以擬

陪之員奏明充補。

一會試用內收掌官二員外收掌官一員受卷

所官八員彌封所官四員謄錄所官四員對讀

所官四員均由禮部於正月下旬

衙門

將進士出身未考試差者及舉人恩拔副貢生

出身人員由各堂官公同揀選照派定額數送

部

吏部司官三員兵部司官三員工部司官三員戶部司官入員刑部司官入員餘院寺等

衙門等官共五員禮部係承辦衙門不開列中書監丞等官例應會試亦不開列共開

列三十員繕本與考官一同密題同日入場如

開列人數不敷禮部於本內聲明各所承辦事

畢陸續出場其宣

旨筵宴各事宜均與考官同如入闈後遇有事故奏

明令知貢舉於場內通融辦理。

一供給官派順天府治中總理其供給所官一員于大興宛平佐貳內派充。

一督牌官禮部派委司官二員筆帖式六員。

一外場巡綽官四員督門官二員及巡邏營弁兵丁行兵部轉飭巡捕五營出派巡緝兵丁行步軍統領出派其巡牆官係五城兵馬司輪流值宿俱由各衙門先期冊送到部轉交外場巡察御史不時查察。

一三場點名搜檢時。行步軍統領出派兵丁。並多派員弁。於貢院前後。及東西轆門外。攔禁送考人等。不許擁擠。先將官員兵丁名冊送部。
一東西轆門點名給籤。行順天府派員辦理。
一內外聽事委官。禮部先期行順天府。查照歷科員數派出。冊送過部。

一對讀生員。由部預期劄順天學政。轉行各學。除大興宛平二縣學。及通州學。不用外。其餘附近府州縣。照數選擇。造具年貌清冊。並令各生

書寫文字半篇。於二月十五日前咨送到部。聽提調點驗入場。並會同監試稽覈。如有僱替不堪者。除本生褫革外。仍將起送之地方官題叅。一。膳錄定額七百名。禮部預期行順天府暨直隸總督。於各州縣正身書吏內。照數均勻選派。冊送到部。場前一日。順天府尹會同知貢舉。驗明左右臂印。點名入場。於膳錄內挑取總書十六名。

一場內辦理分卷各事宜。於各部院衙門經承

書吏內。每處挑送六名。吏禮二部各派八名。屆期造具花名冊。移送知貢舉監試提調。錄掣二十名。入場供役。其受卷各役。知貢舉於謄錄內選充。聽事書吏。由大興宛平兩縣派送。

一號軍應用七百名。行兵部轉飭巡捕五營。照數差撥。仍造具名冊送部。如僱覓不堪應用之人。濫行充數者。承辦官叅處。

一場中應用刻字匠。刷印匠。鋸題板匠。彌封匠。裝釘裱糊硃錠漏粉各項雜工匠。鄉厨京厨茶

夫鋪房打牌接題送題吹號掌號擡榜及運送一切各夫役並看守甄門青衣場內吹鼓手俱預期仰大興宛平兩縣照例冊送到部移送入場。

一搜檢番役步軍統領自行派撥隨帶。

一搜檢應派五城捕役揭曉護榜應派五城總甲先期仰中兵馬司造冊送部。

一揭曉前移咨都察院派撥弓兵護送榜文並移咨兵部派撥官軍於前一日赴貢院環繞巡

邏至期一同護送榜文並進

呈題名錄

例案

與順天鄉試同一例案者已載入鄉試執事官員門內不重載。

順治初年定會試用禮部漢司官二員爲正副提調。

雍正八年定會試頭二三場東西甌門點名給籤應由順天府派員辦理。

又覆准督門官二員鄉試旣用營弁會試亦應用千總二員督門二場畢卽行撤回。

乾隆十五年奏准。會試知貢舉職任外簾。非有文字之責。須避嫌疑。不必定俟臨時具題。請以辛未歲會試爲始。將知貢舉官於正月內具題恭候。

簡用。

乾隆十六年奏准。本年會試恭遇。

聖駕南巡。所有搜檢之王大臣侍衛等官。請。

旨勅交留京辦事處奏派。

乾隆十八年奏准。嗣後點名執牌人役必需官。

原缺

送入員共計二十五員。下讀五員於院寺等衙門臨期通融開送。以敷三十員之額。儻實無合例人員足數。禮部隨本聲明。此內如有考過試差人員。應行扣除。並令各該堂官欽遵。

諭旨。公同驗看。詳加甄選。不得以老疾之員充數。塞責以期慎重闡務。

乾隆五十二年奏准。會試知貢舉。禮部將科甲出身之滿洲侍郎漢侍郎以下。三品卿以上。通行開列。請

旨各派一員於關防統轄更爲慎重

乾隆五十四年會試派出

知貢舉俱非科甲出身。嗣經禮部將才由科甲出身之大員銜名一併開列。

乾隆五十四年議准請交禮部鑄

金印知貢舉關防一顆俟

派出知貢舉後卽交該員齎帶入場於試卷送進時逐

卷鈐用以昭慎重而防盜換。

乾隆五十五年覆准會試受卷書吏照鄉試之

例由知貢舉大臣在於各州縣謄錄內選充供

役其聽事書吏二名仍由大興宛平兩縣派送

卽令造具名冊送部轉發提調點驗

乾隆六十年奏准本科會試副提調盧蔭溥

欽派同考官已遵

旨卽入內簾所有提調事務急需接辦臣等揀選得精
膳司主事吳煦堪以充補謹照例一面飭令該
員入外簾執事一面恭摺奏

聞

嘉慶二十二年具奏本科會試漢知貢舉王引
之奉

旨出差。謹將各衙門送到漢侍郎以下。三品卿以上銜
名。繕寫名單。並將上三次漢知貢舉名單。一併
進

呈恭請

欽點一員奉

硃筆圈出韓鼎晉。欽此。

嘉慶二十五年具奏。本月初六日宣

旨。給事中祥雲。

派充內簾監試。於初三日據都察院咨稱該給事中患

病告假等因。現屆場期不及開單奏。

派除迅卽知照都察院。揀派滿洲科道一員入闈監試。外。仍令該給事中。將應行迴避之親族士子。照例自行開出扣除。以杜規避。

道光十六年具奏。本科會試副提調主事巫宜禔。現陞儀制司員外郎。所有會試副提調例應改派。謹將擬陪之主事杜彥士充補等因。奉

旨依議。欽此。

道光十七年議准。會試外收掌事。向由提調兼

辦惟提調事務較繁。若令兼管貯卷。不足以專責成。請照鄉試例。設外收掌一員。其至公堂添派委官看守試卷之處。卽仿照鄉試一律辦理。道光二十一年具奏。本科會試准侍衛處奏准御前大臣。

乾清門侍衛等俱應隨

駕前往

西陵。將在京散秩大臣銜名咨送禮部奏

派等因。知照到部。謹將送到散秩大臣銜名繕單恭請

欽派再甄門搜檢。應將此次未經

派出之員。另繕清單。再行奏

派。合併聲明等因。奉

硃筆圈出。奕緒常喜崇恩素順。欽此。又奏

派甄門監同搜檢散秩大臣一摺。奉

硃筆圈出。文輝穆隆阿盛福巴雅爾綽克托。欽此。

道光二十五年。准鑲白旗蒙古都統咨稱。本旗

副都統盛壘。前奉

旨。派出本年文會試內場彈壓。三月二十二日。奉

吉補放歸化城副都統。今該副都統定於四月十一日
起程。不克赴場彈壓等因。查本年文會試。准至
公堂移稱。定於四月十一日揭曉。初十日填榜。
所有原

派之副都統例。應入場彈壓。

欽定科場條例卷十三

現行事例

一鄉會試題。第一場四書制義題三、五言八韻
詩題一、第二場五經制義題各一、第三場策問
五。

一四書題。首論語。次中庸。次孟子。如第一題用
大學。則第二題用論語。第三題仍用孟子。

金匱要略卷之十二
一五經題首易經次書經次詩經次春秋次禮記有前後顛倒者照出題錯訛字句例議處

例案

順治二年定四書題目第一題用論語第二題用中庸第三題用孟子如第一題用大學則第二題用論語第三題仍用孟子

乾隆元年議准春秋合題原屬牽強甚無當於經傳之義嗣後概行停止至策題只宜簡要發問不得自問自答敷衍過多

又九卿議覆兵部侍郎鎮國將軍宗室德沛疏稱通鑑一書紀載累朝治蹟而千古大臣大忠可以爲法大奸可以爲戒者悉具其中蓋綱目本乎春秋爲人臣者不明春秋則不知事君之道且綱目由唐宋至今繹之上古若不遠方之近世實可稽爲其能直接春秋之旨也蓋欲識春秋之義必由綱目以達而綱目所載詳細而易明故士子尤必以綱目爲繩墨也我

國家開科取士制定三場以試其學問經濟而士

子獨於綱目一書多不留心觀看。夫綱目且不明而春秋豈易解。不解春秋而欲識勸懲之義安可得乎。請於鄉會試第三場五策之內以三篇仍問時務以二篇於綱目中舉人臣之或忠或奸者一二條以問。如臯夔稷契蕭曹房杜之問則發明其忠良廉潔之實蹟以對。如飛廉惡來盧杞丁謂之問則發明其奸佞貪污之實蹟以對。彼士子既能分忠別奸知名節係乎千載或不致作邀人爵棄天爵之所爲庶幾策名報

主知以忠相勸以奸相懲等語。查制科取士。試以三場。立法最善。遵行已久。其第三場策問。時務五道。原欲其援古證今。詳明條對。以覘實學。至於綱目一書。不但論定人品。凡古人經濟事實。備載其中。原係士子當留心考究之書。若但限以綱目所載賢奸之人發問。則士子剿襲史家評說。易致雷同。且與策問體制。仍有未合。請嗣後鄉會試三場策題。仍照例以時務發問。其中必令詳引綱目中事蹟人物。凡歷代制度沿革。

革創始何人更定何事卽事之得失以定人之賢否務期論斷詳明折衷至當不許止空舉名目草率塞責等因奉

旨依議欽此

乾隆二十二年議准御史袁芳松奏自乾隆己卯科鄉試爲始於第二場經文之外一體試以五言八韻唐律一首

乾隆四十七年改詩於第一場

其鄉試所

出詩題限用官韻卽於場中將本韻另刻一紙給發均照會試之例一體辦理

乾隆二十五年奉

上諭學政馮成修條奏考試事宜一摺所見明昧各半
其事之可行與否自有部議惟是借事紛紜侈騰口
說爲臣工章奏爭持惡習不可不防其漸蓋朕向於
科場及學政條奏率皆飭部議覆所謂耕當問奴織
當問婢科甲非朕所習不可強不知以爲知其中是
非可否原無煩朕爲區別也馮成修此摺未免揣朕
巡狩在外亦不過一覽付部而已故得騰其口頰肆
被攻擊而朕實反覆細繹茲故明斥其非然亦不棄

其是。如馮成修所稱試題不宜割截牽搭一條。據其所列各省出過諸題。則實係不顧文理。強爲湊合。非惟難覈真才。抑且大悖經義。非取士之道。卽所奏童試取進文卷。請免解部磨勘。雖不免目爲張本之意。第童試之文。勢不能有醇無疵。且一舉政所取。合計通省不下數千卷。原非鄉會硃墨卷。應行磨勘者可比。此二條尙不爲無見。若鄉試及歲科兩試。皆免試。試帖則其說已自矛盾。前因科場表判。多涉雷同。勦竊陋套。是以改試排律。使士子各出心裁。若以詩爲

僅尙詞華。則前此表判獨非駢體乎。試問表判之詞華。較排律之詞華。孰難孰易。若如馮成修之議去詩。則將仍爲表判乎。否乎。將仍表判盜襲之風爲是乎。此論之必不可通者。至考試武生。請復用四書論題一條。所稱讀書明理。乃能宣猷闡外等語。尤屬誕謬。武科一項。不過舊制相沿。因仍不廢。若論我國家用兵。自開創以來。暨近日平準夷。蕩回部。皆我滿洲及索倫勇將健卒。折衝萬里。蕆成大功。綠營兵尙無所用。更何嘗恃武科出身之人。而藉其干城腹心之寄。

耶。至侈談昇平羽林棄武尙文諸論。此不過見之詩歌寄興而已。其實文恬武嬉。宴安酖毒。爲國家之大害。朕必不出此。而我子孫萬世所當奉爲家法。永爲深戒。馮成修或別有深意。欲爲嘗試乎。從前明季陋習。每遇一事。舉朝各挾意見。議論紛然。其時人主皆漫不省視。是以諸臣得遇事風生。紛呶噂沓。甚至借建白之名。黨援門戶。無所不至。究於國事毫無裨益。朕於內外奏章。何一不親覽。而肯令此風稍啟其漸耶。馮成修識見卑詐如此。不可仍令司鐸著開缺來。

京供職其尙可行二條著該部定議具奏該部知道
欽此。

乾隆四十七年議准副都御史覺羅巴彥學奏
稱嗣後鄉會試將二場排律詩一首移置頭場
制藝後卽以頭場之性理論一道移置二場經
文後乾隆五十八年裁去論一篇五經各出一題。三場五策照舊舉
行。

又奉

上諭本日大學士九卿科道等將從前任克淳條陳諸

弊。會議具奏。摺內稱現在綱紀肅清。前代牾政。俱已革除淨盡。惟在大小臣工。實力奉行。自不致有因循廢弛之弊。此語朕疑信半焉。亦惟日慎一日。所其無逸耳。至副都御史巴彥學。有請更定科場詩論。以杜關節。以端士習之奏。所言實爲深切時弊。不虛朕降旨之意已。依議行矣。蓋時題係朕所命。且律句謹嚴。難以揣摩。又若頭場詩文。既不中選。則二三場雖經文策問。間有可取。亦不准復爲呈薦。倘同考官仍蹈故轍。監試官即可指名叅處。如此則防弊之一端已

彥學此奏殊可嘉尚。又御史鄭徵摺內所稱論內易藏關節一款已於巴彥學摺內准行。其餘各款仍著各該部議奏。摺併發。欽此。

乾隆五十二年奉

上諭。本日召見彭元瑞。據奏近日科場有傳卷聯號。及彼此換奏。謄錄對讀。私改文字等弊。鄉會兩試。關係掄才大典。理應肅清弊竇。遴拔真才。經朕屢頒諭旨。加意整飭。近年以來。雖風聞科場諸弊。未能盡絕。而作奸犯科者。尙未見有敗露之案。但自明歲戊申以

後鄉會兩試。正科恩科。連年疊舉。若科場條例。日久
玩生。致不肖之徒。骹法舞弊。夤緣鑽刺。僥倖弋獲。使
白腹者濫竊科名。而懷才者無由登進。殊非朕旁求
俊乂。鑑拔真才之意。不可不嚴申例禁。預絕弊源。著
大學士九卿。將彭元瑞所奏各弊。及此外尙有何項
弊竇。應如何杜漸防微。設法釐剔之處。悉心妥議具
奏。務使功令森嚴。弊端禁絕。以副朕覈實取才之至
意。欽此。大學士九卿遵

旨。議准鄉會試二場。向用經文四篇。論一篇。伏思士子

束髮受書原應五經全讀自應於鄉會試二場酌改每經各出一題惟士子專習一經奉行已久明歲卽屆鄉場爲期甚近若卽改用五經考試或致二場不諳題解背謬經旨難於取中查宋臣朱熹有將各經分年試士之議應先請仿照其法自明歲戊申鄉試爲始鄉會五科之內以次考畢五經卽邊省小省經輪年考試之後亦俱能誦習五經曉悉義旨再於鄉會試二場裁去論一篇五經各出一題此後卽作爲定例

奉

上諭大學士九卿議奏科場條例嚴申功令預絕弊源
各款所議俱屬詳悉周妥已依議行矣但鄉會試二
場改用五經請自戊申鄉試爲始用周易出題以後
按照鄉會科分將五經依次輪試一周再於鄉會試
二場五經並試一節雖極爲允當士子束髮受書原
應五經全讀向來止就本經按額取中應試各生止
知專治一經揣摩誦習而於他經並不旁通博涉非
敦崇實學之道今改用五經既可令士子潛心經學

又可以杜絕場內關節弊端而衡文取中復不至限於經額。至佳卷被遺自應於分年輪試畢後卽以五經出題並試。惟所請明歲戊申鄉試先用易經出題之處周易理蘊深奧猝難通曉並恐邊省未必人人誦習明歲鄉闈爲期較近若遽以易經命題考試其向非專經者或致不諳經旨難於取中。因思士子以詩經爲本經者多所有明歲戊申鄉試著先以詩經出題。次年會試著用書經。俟下次鄉試再用易經。以後按照鄉會科分輪用禮記春秋。庶士子得以漸次

兼通講求精熟。不致臨時草率應試。又首場四書文。向來限用夫蓋今夫且夫等字。此等字樣。主試者應於臨期酌量顛倒。限令遵行。毋庸按年排定。卽三藝承題全用夫字。或全用蓋字。起講全用今夫。或全用且夫。俱無不可。至設科取士。原爲旁求俊乂。掄拔真才。以備國家任使。應試諸生。由科甲出身者。大而內居卿貳。外任督撫。小而翰詹科道。分任羣職。卽至州縣等。亦無不有身膺民社之責。該生等績學應試。爲登進初階。自當束身圭璧。以端其本。乃不安義命之

徒往往希圖僥倖。舞弊作奸。愈出愈巧。以致人言藉藉。不得不大爲之防。嚴申例禁。竟至與穿窬宵小。一律防閑。竄大學士九卿所議各條。朕深愧無德化之感。士子也。此後應試諸生。務須經明行修。爭自濯磨。以端實學。而期仕進。其膺衡文之任者。亦應精白乃心。秉公鑑拔。以副朕作人雅化。欽此。

乾隆五十八年咨准。查壬子科鄉試。五經輪試已周。嗣後鄉會試。應五經並用。查五十二年大學士九卿議准。五經輪試畢後。鄉會試二

次裁

去論一篇五經各出一題作爲定例等因在案
應再行申明各省一體遵照辦理

乾隆五十九年議准貴州省經題誤列禮記於
春秋之前應將考官照出題錯訛字句例議處
附載舊例

順治二年定鄉試第一場試四書義三篇經義
四篇第二場試論一篇詔誥表各一通判五條
第三場試策五道
又定詔誥二道惟五經卷兼作

康熙九年題准春秋脫母等題俱刪去止以單
題合題酌量均出

康熙二十九年議准鄉會試二場孝經論題甚
少嗣後考試將性理太極圖說通書西銘正蒙

一併命題

康熙四十一年議准五經取士務得通才須稍難其途然後行之可久查第二場舊例論一篇詔誥表各一通判五條其詔誥表內止作表文一道二十六年內部議臺臣陸祖修議以詔誥二道直屬虛設應行刪去等語今既有願作五經之人其第二場應仍復詔誥二題令其兼作闕者不錄其習一經者仍如現行例康熙五十五年議定二場論題專用性理表題不許出本年時擬近事

附載駁案

乾隆七年大學士會同禮部議覆監察御史陳大价奏稱春秋一經前有單題有合題有比題有脫母題自我

朝定制及其繁雜鄉會試以二單題二雙合題試士近日停止合題祇出單題殊覺太易請嗣後仍舊二單題二雙合題俾士子研精經傳等語

查春秋一經。昭天理之公。定百王之法。雖文成
數萬。其旨數千。而其實則因舊史之文。加以筆
削。所謂直書其事。而意自見者。正不待後人牽
合比擬。而是非之義始明。若因單題太少。欲復
合題。以難之。是割聖經以從試事也。尤爲非體。
應將該御史所奏。春秋仍舊二單題二合題之
處。毋庸議。

嘉慶十一年奉

上諭。御史楊昭奏。鄉會試及歲科小試。請仍照舊制。專
經取士一摺。士子讀書應試。自當通習諸經。敦尙實
學。乾隆五十一年。

皇考高宗純皇帝。以分經閱卷。易滋弊竇。改爲五經輪
試。於輪試畢。爲鄉會試第二場。兼用五經。迄今已閱
二十餘年。各該省取中試卷。於五經題文。均能一律
完善。今該御史奏稱。中人以下之質。勢難五經俱熟。
或強事涉獵。恐有名無實等語。在該御史係雲南人。
自以五經全熟爲難。若江浙大省。士子彬彬向學。何
難五經俱熟。且現值經學昌明之會。應試諸生。讀五

經者日多。該御史忽爲此奏。欲事紛更。是直爲荒程者。開一自便之途。所奏不可行。著將原摺發還。欽此。道光二年。大學士會同禮部議。駁御史魏成憲條奏。鄉會場兼試性理論一摺。查鄉會試舊制。頭場四書制藝三篇。性理論一道。乾隆四十七年。因論內易藏關節。以三場排律詩。移置頭場。以頭場性理論。移置二場。復於乾隆五十二年。大學士九卿議。准鄉會試二場。酌改五經各出一題。裁去論一篇。歷科遵辦在案。今該御史奏請。仍復性理論題。係爲講求理學起見。惟是四書五經。爲學問之根柢。有宋周程張朱諸儒所著之書。亦皆發明四書五經之理。非必於性理論中命題。始讀性理之書。且從前因論內易藏關節。移置二場。嗣後酌改爲五經文五篇。將論裁去。歷科遵辦。迄今已三十年。至第三場策問五篇。自

國初定制以來。遵行已久。俱未便輕議更張。該御史所奏。應毋庸議。

道光十五年。本部議覆御史易鏡清奏稱。近來士子潛心學業者尙多。通達治務者甚少。於政治律例諸書。全不寓目。一旦筮仕。諸凡茫然。夫從政首重乎識獄。而明罰必準乎刑章。古人學優後仕。卽持以聽訟者。亦在其中。未可以爲法家之言。置而不講。竊以三場策問。共有五道。以四道論古。則其學識底蘊。已自可見。擬請酌以一道。專取現行律例發問。俾士子講習有素。起而行之。胸有把握。自不爲人所欺。但行之鄉試。刁生劣監。或因粗通例文。包攬詞訟。恐有流弊。若旣名登賢書。將來俱有治獄理刑之責。請於下屆會試舉行等語。竊惟我

朝設科取士。頭二場試以四書經義。三場試以策問。原期得經明行修。殫見洽聞之士。以備

國家任使。士子自束髮受書以來。所當講明而切究者。皆窮理致用之道。一登仕版。則民生國計。責以報稱者甚多。不獨理刑一端。爲版官之要務。如該御史所奏。士子不諳律例。請於三場試

以策題規其素習。是於士子進身之始。先責以刑名法術之學。已非探本之論。無論勦說雷同。無裨實用。卽真心講貫者。亦必荒其本業。旁及專家。且一經定爲程式。必須明示中外。更恐揣摩求合之士。承迎風旨。因緣爲奸。士習之不端。關防之不密。多由於此。尤不可不防其流弊。該御史所奏。應毋庸議。

道光二十三年。本部議覆兩廣總督祁墳奏稱。鄉會試第三場策問。請定爲五門發題。曰博通史鑑。曰精熟韜鈴。曰制器通算。曰洞知陰陽。占候。曰熟諳輿圖情形。令士子報名應試時。照從前本經之例。於冊內分別填註。考官以兩書異同設作問題。果能貫通闡發。而首二場文藝尙屬平順者。卽一律中式等語。查第三場時務策五道。自順治二年議定之後。二百年來。並未更易。應查考官所出策題。有問史學者。有問兵制者。有問勾股之法者。有問天文疆域者。是史鑑韜鈴算學陰陽輿圖諸說。考官發問時。雖不必

專指此數條。而此數條亦在所發問。士子若非
平素淹博。不以專學名家。不以片長自見。何能
原原本本條對詳明。是士子所宜請求而切究
者。原不止此數條也。若如該督所奏。五策分爲
五門。照本經之例。於冊內分別填註。是考官拘
定一格。以發問。既不免呈一漏萬。而枵腹士子。
亦可涉獵一說。以見長。不惟行之既久。勦襲雷
同之弊。必至叢生。卽揣時好希倖進者。亦所不
免。所奏應毋庸議。

咸豐元年。議覆御史王茂蔭條奏。策題改以百
餘字爲率。並聲明道光二十三年。原任兩廣督
臣祁項條陳策問五道。令臣部檢錄進

呈等語。查定例策題。每問不得逾三百字。逾者卽
行奏參。誠以策題發問愈多。條對愈難。若所問
止寥寥數語。則士子反得於所問之外。勦襲膚
詞。敷衍成篇。真才實學。轉無由而見。其所稱已
故督臣祁項請於策問五道。定爲五門發題。前
經議駁在案。該御史所奏。應毋庸議。

三場試題

欽命題目

現行事例

一順天鄉試及會試第一場四書題詩題均由

欽命鄉試順天府尹會試禮部堂官於初八日黎明

詣

乾清門領出

欽命題目恭捧題匣親送貢院交監臨知貢舉轉送

內簾

如恭遇詣

駐蹕圓明園宮門祇領

一啟題匣之鑰匙於初六日宣

旨後考官詣

乾清門祇領帶進闈內屆期啟用如恭遇

巡幸

欽命題匣及鑰匙俱於留京辦事王大臣處請領

例案

順治十五年戊戌科會試

欽定第一場四書題目

康熙二十四年議准會試第一場四書題目恭

請

欽定。於初八日交禮部官密送內簾考試官刊刻給發。其二三場題目仍令考試官擬出亦遵前例恭進。嗣後會試并順天鄉試俱照此例行。

乾隆六年大學士伯鄂爾泰等議准順天府尹蔣炳條奏查向來鄉試各題例由

欽命卽於考試之前一日領交內簾此次恭遇

聖駕行圍所有通場四書三題應令該府尹於八月初八日早赴在京總理事務處祇領。

嘉慶十年禮部奏准本年乙丑科會試並宗室

會試恭遇

聖駕謁

陵所有會試題目應恭請

欽命頭場四書題三道詩題一道於三月初八日禮部

堂官赴留京辦事王大臣處祇領其宗室會試

題目應恭請

欽命四書題一道詩題一道於三月十六日由宗人府

府丞恭領

按嘉慶十三年欽奉

諭旨

著禮部堂

官。於三月初八日。順天府尹。於入月初八日。一同祇領。詳載宗室人員鄉會試門。均送至貢院。交知貢舉轉送內簾。刊刻發給。其貯題摺匣鑰匙。均於三月初六日宣

旨後。由留京辦事王大臣。親交主考官帶入場內。臨期啟用。

道光九年。准軍機處片稱。本年恭領會試題目日期。所有文會試題目。應於初八日在

圓明園祇領。宗室會試題目。應於十六日赴南苑祇領。卽由禮部知照宗人府。遵照辦理。

道光二十七年。軍機大臣面奉

諭旨。所有本年丁未科會試題目。著禮部堂官於三月初七日赴團河祇候。初八日卽由團河行宮發出。無庸赴新衙門祇領。欽此。所有宗室會試

欽命四書題一道。詩題一道。初八日一同祇領。

附載舊例

乾隆四年奏准。四書題目。由考官恭擬密奏。用內造摺匣鎖封。鄉試交順天府會試。交禮部代奏。恭候

欽定。仍鎖封發出。轉交內簾。

乾隆六年議准。此次恭遇

聖駕行圍。所有貯題摺匣。先期由內務府交送總理處

至考官需用鑰匙應先由內務府交送禮部俟
初六日宣

旨後禮部堂官親交考官帶入場內取用

欽定科場條例卷十四

三場試題

考官出題

附添註塗改款式

現行事例

一順天鄉試及會試。五經題策問。由考官擬定。
一各省鄉試。三場各題。正副考官公同擬定。
一考官出題。擇四書五經內。義旨精深。及詩題
典重者。不可拘泥忌諱。不可出語近頌揚。並熟
習常擬之題。以杜士子揣摩預構之弊。

一經書題目禁止割裂牽搭致礙文義。各省鄉試題目到部。逐加校勘。如有割截小巧者。將考官叅奏議處。

一各省鄉試考官酌議詩題。惟期於中正雅馴。不得引用僻書私集。有乖體制。

一經書重句命題。依本文次序。在前者不必加註。在後者註明某章某節。

一書寫詩題。應正書賦得某句。旁註得某字。五言八韻。如有遺漏舛錯者。照出題舛錯例議處。

一策題以關切事理明白正大爲主。不得用僻事。
僻事。

本朝臣子學問人品。不得以策問士子。每問不得過三百字。如有自問自答。敷衍過多。及支離濶草率。舛陋者。并將該考官照違令例議處。
一鄉會試策題。考官親出。不得假手房考。如子有預擬策題於場前傳播者。嚴行禁止。

一三場題紙。主考內監試。應用關防發出。仍用監臨知貢舉提調監試關防。於初九十一十二

五等日分給各號。不得過卯辰二時。違者罰俸六個月。

一首場題紙。試帖詩限用某字。闌中將本韻運用數十字卽刻於詩題之下。其開寫添註塗改式樣及默寫首場等項。亦卽刻於每場題紙之後。與題目同時給發。

一考官出題錯字者。一次罰俸三個月。二次罰俸六個月。三次罰俸九個月。自行檢舉者罰三個月。

一三場題就後將填寫卷三全以款查照
刻令士子一體遵照

例案

順治二年定策題以關切事理明白正大爲主
不須搜尋僻事掩匿端倪必問者列款而示後
對者可按牘而陳庶乎真才易辨

康熙七年題准正副主考有出題錯字者一次
罰俸三個月二次罰俸六個月三次罰俸九個
月自行檢舉者罰俸三個月

又題准主考場內發題。過卯辰二時者。罰俸六個月。

康熙二十六年覆准三場策題止宜簡明發問不得過三百字。按此例乾隆元年又奏請申明。經禮部覆准。

乾隆五十二年奉

上諭四書上經皆聖人講理明道之書。貫始徹終。無非
得意。近見鄉會試俱擇取冠冕吉祥語出題。每多宿
講停滯。致讀書通經之士漸少。今後中題目應不
過是尋常。難預作揣摩。實學自出。欽此。

又覆准主考房官係中式年久之人於本房中式題目多不記憶。且人數既多。應迴避之題亦復不少。徒爲紛紜。嗣後主考房官本身中式經書題目均毋庸迴避。

乾隆二十二年覆准直省鄉試所出詩題俱用官韻。應於場內將本韻刊刻一紙給發。

乾隆二十三年奉

旨。試人數衆多。如三江九佳等字數窄少之類。自不宜以避雷同所限者。不過在東冬支虞陽庚等十

數葉之內。場中自有刻字人役。可令將所限本韻刪去。少註刊刻一紙。隨題按號散給。以便品用。欽此。

又覆准。各省詩題酌定程式。嗣後外省鄉試。主考官酌議詩題。惟期於中正雅馴。不得引用僻書私集。有乖科場體制。

乾隆二十七年題准。雲南中式試卷二場詩題。止遺寫賦得二字。查係考官題紙遺寫事。屬初。應請免議。嗣後書寫詩題。應正書賦得某句。謹將某字五言八韻。載入科場條例。具有遺

漏外錯書照出題外錄之例

乾隆三十八年嚴准左都御史張若璠奏
科策問有尙論古人連類及於

本朝臣子抑之則近於攻訐揚之則涉於黨同
後鄉會試發策不得以

本朝臣子學問人品策問士子士子對策中亦不
得引涉及違者聽磨勘大臣舉奏分別議處
至策題每問至五六百字之多空疎者不難就
題移易點竄成篇應申明定例嗣後策問每道

其不得逾三百字之數。每科題紙到部時。禮部
詳加校勘。倘有逾額冗長者。即將該考官參奏。
乾隆四十年奉

旨。禮部議覆。景伊條奏。禁止鄉試考官出題割裂小
巧。一。其後如有似此命題者。將考官議處。而
於四川省出題牽連無理之考官。乃置之不議。
所辦非是。考試固當避熟習擬題。以防勦襲。然亦不
可割裂牽搭致礙文義。蓋試題爲制藝所由出。若爲
新巧。恐士子揣摩。弋獲趨。六纖佻。文風純駁之分。卽

士習端衰所係。而民俗之淳薄實因之。其機不可不
慎。今禮部不將四川考官卽附本叅處殊屬不合。應
有禮部堂官著交部察議。此本著發還交該部另行
妥議具奏。欽此。遵

旨議准。查協辦大學士尚書程景伊原奏內開。覆勘各
省試卷。見試題漸趨佻巧割裂。其最甚者如四
川頭場試題。又曰新康誥曰六字。牽上連下。全
無義理。旣不足以見學問書卷。而稍知機法者
便可僥倖獲售。請

勅禮部定議嚴行禁止等語。考官命題自宜莊重以端風尚。雖熟習擬題向有例禁。亦須有理義可以發明。若隨意裁割。不顧文義持衡者。旣開以纖佻之端。應試者得騁其詭遇之技。誠如

聖諭。士子揣摩七獲。恐文風不醇。卽士習不端。而民俗澆薄之源亦由此而起。所有四川頭場首題牽連無理。應請將正考官副考官交與吏部議處。嗣後各省鄉試題目。禮部逐加校勘。如有似此割裂小巧者。卽將該考官叅奏。照例議處。

乾隆五十二年議定首場題紙選用詩韻數
事應卽刻於詩題之下其開寫添註事改式樣
及默寫首場某項亦卽刻於每場題紙之後其
題目同時發給事歸簡便易於稽查以免員役
等於號口往來絡繹致滋弊端

又議准覆勘大臣奏稱經書重句命題依本文
次序在前者不必加註在後者註明某章某節
則士子不難遵守而經文不嫌偏廢應如所奏
將原例內載雷同句法不得命題一條刪除

乾隆五十五年奏准填寫添註塗改散總字數
由關甲總式刊發向無一定程式是以鄉試解
部各卷未免參差現經臣等酌擬欵式進

呈發下刊刻通行鄉會試一體遵照

一詩文策論每篇末填寫添註幾字塗改幾字
有添註無塗改者則寫添註幾字塗改無無
添註有塗改者則寫添註無塗改幾字添註
塗改俱無者則寫添註無塗改無

填寫添註塗改字數緊接詩文策論下

凡字單行旁寫。不得另行寫。亦不得
寫。如一字一格。不得跨格擠寫。如有本
格不敷。准於另行接寫。或結句已抵末格。
亦於另行旁寫。其接寫之處。文論後仍頂格。
詩策後仍低二格。

一添註塗改字數。除每篇末註明外。並應加寫
總數。頭場於詩後。二場於默寫頭場後。三場
於第五策後。另一行用大字居中寫。通共添
註塗改若干字。詩策後仍低二格寫。文後仍

頂格寫

一核計字數。除添註之字易計外。其塗改之字。有塗去一字。改寫一字者。止算一字。若塗去一字。並無改寫者。亦算一字。至有塗去一字。改寫二字者。以二字計算。塗去二字。改寫一字者。亦以二字計算。其餘字數加多者。准此核計。

一填寫數目。務寫壹貳叁肆伍陸柒捌玖拾等字。不得作一二三四五等字。違者貼出。

一添註塗改過一百字者貼出

一填寫字數如有以多報少以少報多不符在

十字外者貼出

有添註有塗改式。添註幾字塗改幾字

有添註無塗改式。添註幾字塗改無

無添註有塗改式。添註無塗改幾字

無添註無塗改式。添註無塗改無

以上四項接結句用小字旁寫。

添註塗改總數式

通共添註塗改若干字。

全卷添註塗改俱有者照此

通共添註若干字塗改無。

全卷有添註無塗改者照此

通共塗改若干字添註無。

全卷有塗改無添註者照此

以上總數另一行用大字居中寫詩策後低二格。文後頂格

嘉慶元年奉

上諭本日覆勘試卷大臣進呈廣東四川等省鄉試各

卷朕披閱各該省所出四書題五經題多涉頌

述亦係習見語殊屬非是試官爾任論才出題考試

固不可競尙新奇。然亦須擇其題句足以發揮義理。敷陳經術者。方可徵實學而獲真才。若祇將頌聖語。句。命題試士。何足以覘底蘊。且四書五經內。字句冠冕。語近頌揚者。皆可預擬而得。並易啟揣摩宿構之弊。於士習文風。均有關係。嗣後各省鄉試。派出試官。及各省學政所出題目。務將四書五經內。義旨精深。及詩題典重者。課士衡文。用副朕敦尙經義崇實黜華至意。欽此。

道光十六年奉

旨。前據潘錫恩奏。考試策題錯誤。當降旨著禮部查明。具奏。茲據該部查明。本年會試策題第一問內。鄭康成說詩。景員維河。河之爲何。本釋文一條。係屬錯誤。朕詳閱本年進呈策題。此外尙有舛錯之處。該考官等。引據未能精當。實屬粗心。潘世恩。王鼎。吳傑。王植。均著交部議處。欽此。

道光十六年奉

上諭。前據潘錫恩奏。考試策題錯誤。當降旨交禮部查明。具奏。嗣據該部查明。景員維河一條。係屬錯誤。朕

因策題內此外尙有舛錯之處是以將該考官等交部議處茲據潘世恩等復行檢舉策題第五問內第五訪原稿本係訪字謄寫時誤書倫字請再行交部議處等語該考官等於謄寫錯誤之處未經查改殊屬草率潘世恩王鼎吳傑王植均著再行交部議處嗣後鄉會試考官出題試士務須引據精當覈校詳明不得稍有譌誤致令該士子等難於著筆外間得肆譏評以便遵循而昭慎重掄才大典其各欽承毋忽欽此

道光二十九年奉

上諭潘鐸奏考官出題錯字自行檢舉一摺河南正考官宋晉副考官吳駿昌於闈中發刻題紙並不細心覈對錯誤數次試思所司何事於此粗率均著交部嚴加議處嗣後遇考試試差不准該二員與考著該部院存記欽此

附載舊例

康熙七年題准考試官將本身取中四書五經題目擬出者降四級調用
乾隆四十四年協辦大學士程景伊等奏稱本年雲南所出二場詩經題有鳳凰于飛劇劇其

羽二句。本無不合。惟是此二句。再見於下一章。一字不易。今截去。亦集爰止。及亦傳於天之句。士子難以作文。雖通場俱就題完篇。而是首章是次章。俱不能辨。似此之類。科場條例內。本無明文。並非違例。但經文句法。似此重疊者甚多。若不分別出題。究難遵照。請嗣後凡一樣雷同句法。不得命題。務使士子知是某章某節之題。庶免牽混而昭慎重。

乾隆五十二年奏准。首場題紙。限用夫蓋。且夫今夫等字樣。應卽刻於四書每題之下。

附載駁案

乾隆五十年。議覆順天府尹吳省欽奏。稱鄉會試詩題。請於初十日黎明。再行給發。庶免丐倩之弊等語。查定例。商情求代等事。一經察出。卽應立時究辦。防範本極嚴密。原不必分次散給題紙。始能杜絕弊端。若如該府尹所奏。初九日散給四書題。初十日始散給詩題。其筆情敏捷。

者得有閑暇轉啟倩代書文之漸。況號門傳進詩題之時。倘有不肖吏胥乘隙商通傳遞書文。是防弊實足滋弊。於場務恐無裨益。應將該府尹所奏毋庸議。

嘉慶五年議覆兵部侍郎劉秉恬條奏據稱新進儒童向例默寫

聖諭廣訓

一則然祇行之小考而未行之場屋。新例鄉會試第二場有默寫頭場文藝之條。為防代作起見。臣思士子之文。如果代作。何難熟讀強記。請令嗣後鄉會試第二場經文之外。改為默寫

聖諭廣訓

一則等語。臣等查

實力奉行。即可家喻戶曉。不必另立科條。至鄉會試二場默寫頭場文字。不但專防代倩。並以杜謄錄私改之弊。若停其默寫。未免無所稽覈。於防弊轉有未周。應將該侍郎所奏毋庸議。嘉慶十三年議駁御史何學林奏請停止添註塗改一節。查例載闈中制藝。如一篇內私易數

十字庸劣之文便可改觀。應令士子於詩文每篇末句下旁寫添註塗改。每場不得過百字。受卷官於收卷時。註冊稽查。有謄錄對讀私改文字中式。經磨勘官簽出者。將謄錄對讀官議處。本生嚴行查辦等語。是開寫添註塗改。原爲防弊起見。且士子等卽註寫款式。小有不符。倘字數不甚相懸。無關弊實。向例均免貼出。原不至涉紛擾。所有該御史奏請停止填寫添註塗改之處。應毋庸議。

三場試題

題紙進

呈

現行事例

一順天鄉試及會試頭場四書詩題俱由

欽命毋庸再行進

呈其二三場題紙由考官親書密封於十三十六等日辰刻遞交監臨知貢舉捧出鄉試由順天府會試由禮部派員祇領具本轉送內閣隨本

進

呈。

一各省鄉試三場題目於進

呈題名錄內開載無庸開單具奏。

例案

乾隆五十一年奏准順天鄉會試題紙由考官親書密封遞交監臨知貢舉鄉試順天府會試禮部具本轉送內閣。

乾隆五十九年奉

旨各直省鄉試題目祇應照向例於進呈題名錄內開載三場各題無庸於監臨事竣時先行開單具奏以省煩複著該部通行各直省遵照辦理欽此

嘉慶四年大學士王杰等議覆監試御史覺羅經祿等奏稱順天鄉試三場題紙於初十三十六等日五鼓進

呈上子尚在局闌文藝皆未完畢黑夜啟門誠恐有滋弊竇祇因向來考官於是日恭遞請

安奏摺是以相沿俱於五鼓交出嗣後凡遇進

呈題紙及考官請

安奏摺俱改是日辰刻交出進

呈等語查進

呈題目於初十十三十六等日啟門放牌之先交

該承辦衙門派員恭進並不定於五鼓進

呈祇因考官欲遞摺請

安是以爲時較早伏思三場題目原當恭呈

御覽以昭慎重但頭場四書詩題俱由

欽命似毋庸再行進

呈至二三場題目。應照向例。於十三十六等日辰刻。捧出鄉試。交順天府會試。交禮部各派員祇領。轉交內閣。隨本進。

呈至考官請

安奏摺。亦卽於是日辰刻恭遞。似於關防敬謹之處。均爲詳備。

道光八年。大學士托津等奏。參順天府恭進二場題目。應於十三日隨本呈遞。乃延至是日己正三刻始行送到。

圓明園內閣以致不及進

呈除將此本仍票十三日期於十四日補行呈遞
應請

旨將送本遲誤之順天府治中盧奎署經歷司經歷譚
彝一併交部議處。

附載舊例

雍正元年定順天鄉試及會試二三場試題於
十一十四等日五鼓照前進
呈交送。